

«ՀԱՍՏԱՏՎԱԾ Է»

«Արդշինինվեստբանկ» ՓԲԸ խորհրդի
«20» մայիսի 2011թ.
թիվ 42 Լ որոշմամբ

Խորհրդի նախագահ

ԿԱՐԵՆ ՍԱՖԱՐՅԱՆ _____



«ԱՐԴՇԻՆԻՆՎԵՍՏԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ

ՇԱՀՈՒԹԱԲԱԺՆԱՅԻՆ

ՔԱՂԱՔԱԿԱՆՈՒԹՅՈՒՆ

1. ՆՊԱՏԱԿ

Շահութաբաժնային քաղաքականության նպատակն է սահմանել «Արդշինինվեստբանկ» ՓԲԸ-ի շահութաբաժնային քաղաքականության հիմնական սկզբունքները, Բանկի բաժնետոմսերի դիմաց շահութաբաժինների վճարման պայմանները և ձևը:

2. ԿԻՐԱՌՄԱՆ ՇՐՋԱՆԱԿ

Սույն քաղաքականությունը կիրառվում է Բանկի կենտրոնական հաշվապահության և մասնաճյուղերի հաշվապահությունների կողմից:

3. ԱՌՆՉՎՈՂ ՆԵՐՔԻՆ ԻՐԱՎԱԿԱՆ ԱԿՏԵՐ

- ISO 9001:2000:
- «Արդշինինվեստբանկ» ՓԲԸ կանոնադրությունը:

4. ՍԱՀՄԱՆՈՒՄՆԵՐ ԵՎ ՀԱՊԱՎՈՒՄՆԵՐ

«**Բանկ**»՝ «Արդշինինվեստբանկ» ՓԲԸ,
«**Շահութաբաժնային քաղաքականություն**»՝ Բանկի շահութաբաժնային քաղաքականություն:
«**Ընդհանուր ժողով**»՝ Բանկի բաժնետերերի ընդհանուր ժողով՝ Բանկի կառավարման բարձրագույն մարմին,
«**Կանոնադրություն**»՝ Բանկի կանոնադրություն,
«**Խորհուրդ**»՝ Բանկի խորհուրդ,
«**Վարչություն**»՝ Բանկի վարչություն՝ Բանկի կոլեգիալ գործադիր մարմին:

5. ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ

6. ՀԱՎԵԼՎԱԾՆԵՐ

7. ՆԿԱՐԱԳՐՈՒԹՅՈՒՆ

7.1. Ընդհանուր դրույթներ

7.1.1. Շահութաբաժնային քաղաքականությունը մշակված է համաձայն ՀՀ օրենսդրության և Կանոնադրության:

7.1.2. Շահութաբաժնային քաղաքականությունը, դրանում կատարվող փոփոխությունները Բանկը տեղադրում է իր ինտերնետային կայքում՝ Բանկի կողմից սահմանված կարգով:

7.1.3. Բանկը հրապարակում է (այդ թվում՝ Բանկի ինտերնետային կայքում տեղադրելու միջոցով) Բաժնետերերի ընդհանուր ժողովի՝ շահութաբաժինների վճարման վերաբերյալ որոշման մասին տեղեկատվություն՝ օրենսդրությամբ սահմանված կարգով:

7.1.4. Բանկն իրավունք ունի որոշում ընդունելու (հայտարարելու) իր բաժնետերերին եռամսյակային, կիսամսյակային կամ տարեկան շահութաբաժինների վճարման մասին:

7.2. Շահութաբաժնային քաղաքականության սկզբունքները

7.2.1. Շահութաբաժնային քաղաքականությունն իրենից ներկայացնում է Բանկի շահույթի կառավարման ընդհանուր քաղաքականության մի մասը, որը կայանում է Բանկի շուկայական արժեքն առավելագույնի հասցնելու նպատակով շահույթի սպառվող և կուտակվող մասերի միջև լավագույն համամասնությունների որոշման մեջ:

7.2.2. Շահութաբաժնային քաղաքականությունը հիմնվում է ներդրումների գրավչության, Բանկի ֆինանսական կայունության, կապիտալացման և իրացվելիության բարձրացման, Բանկի և նրա բաժնետերերի շահերի հավասարակշռվածության, ներդրված միջոցների շահութաբերության ապահովման վրա:

7.2.3. Շահութաբաժինների վճարման և դրանց չափերի մասին որոշում ընդունելու ժամանակ հաշվի են առնվում Բանկի իրացվելիության ու վճարունակության ընթացիկ և կանխատեսվող

մակարդակները, Բանկի հեռանկարային զարգացման ծրագիրը և դրա իրականացման համար անհրաժեշտ ֆինանսական միջոցները:

7.2.4. Բանկի շահութաբաժինները վճարվում են դրամով:

7.2.5. Շահութաբաժիններն արտահայտվում են մեկ բաժնետոմսին ընկնող գումարով:

7.2.6. Բանկի սովորական բաժնետոմսերի դիմաց շահութաբաժինների վճարումները Բանկի կողմից չեն երաշխավորվում:

7.2.7. Բանկի տնօրինության տակ գտնվող Բանկի բաժնետոմսերով շահութաբաժիններ չեն հաշվարկվում:

7.3. Շահութաբաժինների վճարման պայմանները

7.3.1. Բանկի բաժնետերերին շահութաբաժինները վճարվում են զուտ շահույթից՝ հարկերը վճարելուց հետո, որը հաշվարկվում է բանկերի՝ օրենդորության պահանջներին համապատասխան կազմված ֆինանսական հաշվետվությունների հիման վրա:

7.3.2. Բանկի բաժնետերերին շահութաբաժինների վճարման պայմաններն են՝

7.3.2.1. Բանկում զուտ շահույթի առկայությունը, որը ստացվել է նախորդ ֆինանսական ժամանակաշրջանի (եռամսյակ, կիսամյակ, տարի, տարիներ) արդյունքներով,

7.3.2.2. շահութաբաժինների վճարման՝ սույն ժողաքականության 7.4.6-րդ կետով նախատեսված սահմանափակումների բացակայությունը,

7.3.2.3. Բանկի խորհրդի՝ շահութաբաժիններ վճարելու, դրանց չափի և վճարման կարգի մասին առաջարկություն պարունակող որոշման և ,

7.3.2.4. Ֆինանսական ժամանակաշրջանի (եռամսյակ, կիսամյակ, տարի) արդյունքներով առաջացած շահութաբաժինների վճարման (հայտարարման) մասին Ընդհանուր ժողովի որոշման առկայությունը:

7.4. Շահութաբաժինների վճարման սահմանափակումները

7.4.1. Շահութաբաժինների վճարման սահմանափակումները պայմանավորված են Բանկի ֆինանսատնտեսական գործունեությունը բնութագրող ցուցանիշներով:

7.4.2. Բանկի շահութաբաժիններ բաշխելն արգելվում է, եթե այդ պահին Բանկի կրած կորուստները (վնասները) հավասար են կամ գերազանցում են Բանկում առկա չբաշխված զուտ շահույթի գումարը:


7.4.3. Միջանկյալ շահութաբաժինների չափը չի կարող գերազանցել նախորդ ֆինանսական տարվա արդյունքներով բաշխված շահութաբաժնի 50 (հիսուն) տոկոսը:

7.4.4. Տարեկան շահութաբաժինների չափը չի կարող ավելի լինել Խորհրդի առաջարկածից և պակաս լինել արդեն վճարված միջանկյալ շահութաբաժինների չափից: Եթե Ընդհանուր ժողովի որոշմամբ տարեկան շահութաբաժինների չափը սահմանվում է արդեն վճարված միջանկյալ շահութաբաժինների չափին հավասար, ապա տարեկան շահութաբաժիններ չեն վճարվում: Եթե Ընդհանուր ժողովի որոշմամբ տարեկան շահութաբաժինների չափը սահմանվում է արդեն վճարված միջանկյալ շահութաբաժինների չափից ավելի, ապա տարեկան շահութաբաժինները վճարվում են սահմանված տարեկան շահութաբաժնի և տվյալ տարում արդեն վճարված միջանկյալ շահութաբաժինների գումարի տարբերությամբ:

7.4.5. Բանկն իրավասու չէ կայացնել (հայտարարել) շահութաբաժիններ վճարելու մասին որոշում, եթե Բանկի խորհրդի կամ Ընդհանուր ժողովի որոշման ընդունման պահին առկա է կամ կարող է առաջանալ հետևյալ փաստերից որևէ մեկը.

7.4.5.1. նախորդ ֆինանսական տարիների (տարվա) կամ ընթացիկ ֆինանսական տարվա արդյունքներով ստացված (կուտակված) զուտ շահույթի բացակայություն,

7.4.5.2. շահութաբաժինների վճարման մասին որոշումն ընդունելու օրվա դրությամբ առկա է կամ այդ որոշման կատարման արդյունքում կարող է առաջանալ << կենտրոնական բանկի և Բանկի

	PL 61-03	Էջ 4 / 4
	Շահութաբաժնային քաղաքականություն	Խմբագրություն: 01
		Ամսաթիվ: «20» մայիսի 2011թ.

ներքին իրավական ակտերով սահմանված հիմնական տնտեսական նորմատիվները չկատարելու հնարավորությունը:

7.4.6. Ընդհանուր ժողովի որոշմամբ սահմանված ժամկետներում շահութաբաժիններ չվճարվելու դեպքում դրանք կուտակվում և վճարվում են հետագայում բաժնետիրոջ առաջին իսկ պահանջով:

7.4.7. Հայտարարված, սակայն Բանկի անկախ պատճառներով բաժնետերերի կողմից չստացված շահութաբաժինները համարվում են չպահանջված շահութաբաժիններ:

7.5. Շահութաբաժինների վճարման մասին որոշումը

7.5.1. Տարեկան շահութաբաժինների վճարման, շահութաբաժնի չափի և դրա վճարման ձևի ու ժամկետի մասին որոշումն ընդունում է Ընդհանուր ժողովը՝ Խորհրդի առաջարկությամբ:

7.5.2. Միջանկյալ (եռամսյակային և կիսամյակային) շահութաբաժինների վճարման, շահութաբաժնի չափի և դրա վճարման ձևի մասին որոշումն ընդունում է Խորհուրդը այն պայմանով, որ նախորդ ֆինանսական տարվա արդյունքներով բաշխվել են տարեկան շահութաբաժիններ: Միջանկյալ շահութաբաժինների վճարման ժամկետը սահմանվում է Խորհրդի՝ միջանկյալ շահութաբաժիններ վճարելու մասին որոշմամբ, բայց ոչ շուտ, քան տվյալ որոշման ընդունումից 30 (երեսուն) օր հետո:

7.5.3. Շահութաբաժինների յուրաքանչյուր վճարման համար Խորհուրդը կազմում է շահութաբաժիններ ստանալու իրավունք ունեցող բաժնետերերի ցուցակ, որում պետք է ընդգրկվեն՝

7.5.3.1. տարեկան շահութաբաժիններ վճարելու դեպքում՝ Բանկի այն բաժնետերերը, որոնք ընդգրկվել են Բանկի բաժնետերերի ռեեստրում՝ Բանկի տարեկան Ընդհանուր ժողովին մասնակցելու իրավունք ունեցող անձանց ցուցակը կազմելու օրվա դրությամբ.

7.5.3.2. միջանկյալ շահութաբաժիններ վճարելու դեպքում՝ Բանկի այն բաժնետերերը, որոնք ընդգրկվել են Բանկի բաժնետերերի ռեեստրում՝ Խորհրդի միջանկյալ շահութաբաժիններ վճարելու մասին որոշման կայացման օրվանից առնվազն 10 (տասը) օր առաջ: